

(<https://news.usm.my>)

Berita Mutakhir ▾

07 JUL USM, PERDANA UNIVERSITY JALIN KERJASAMA MELALUI MOU



PULAU PINANG, Julai 2017 – Universiti Sains Malaysia (USM) telah menandatangani perjanjian persefahaman (MoU) dengan Perdana University (PU) pada 3 Julai lalu.

Melalui MoU ini, USM dan PU berhasrat untuk bekerjasama dalam beberapa perkara, antaranya:

- pertukaran pelajar dalam bidang perubatan dan sains kesihatan;
- melantik dari kalangan staf akademik USM untuk menjadi perunding bagi membangunkan program-program pengajian yang baru dan bersesuaian untuk PU bagi memenuhi permintaan di Lembah Kelang; dan
- mengadakan bengkel, persidangan dan latihan secara bersama.



Beberapa aktiviti telahpun dimulakan dan diharap MoU tersebut akan dapat memperkuuhkan lagi kerjasama antara kedua-dua institusi.

USM diwakili oleh Naib Canselor Profesor Datuk Dr. Asma Ismail manakala PU diwakili oleh Naib Canselor Profesor Dr. Zabidi Azhar Bin Mohd Hussin.

Asma mengalukan inisiatif kolaborasi ini dan berharap PU dapat menjadi 'conduit' untuk menawarkan program-program akademik USM secara bersama untuk memenuhi permintaan penduduk di Lembah Kelang.

Zabidi berkata PU amat berbangga dan bertuah dapat menjalin kerjasama strategik dengan USM, universiti penyelidikan awam yang kecemerlangannya diiktiraf di peringkat antarabangsa, dan berharap dapat memanfaatkan ketokohan dan kepakaran USM untuk membantunya membangunkan program-program akademik baharu misalnya Ijazah Sarjana Muda Sains Data.



Yang turut hadir pada majlis tersebut ialah Timbalan Naib Canselor (Akademik dan Antarabangsa) USM Profesor Dr. Ahmad Farhan Mohd Sadullah; Pendaftar USM Profesor Dato' Dr. Abd. Aziz Tajuddin; Pendaftar PU Norpisah Mat Isa; serta Dekan-dekan dan Timbalan-timbalan Dekan USM dan PU. Turut

mengikuti sesi ini secara telesidang ialah Pengarah Kampus Kesihatan USM Profesor Dr. Ahmad Sukari Halim.

Perdana University ialah universiti swasta yang ditubuhkan oleh Pusat Perubatan Akademik (AMC) pada tahun 2011 melalui inisiatif Kerjasama Awam-Swasta dengan sokongan Unit Kerjasama Awam Swasta (UKAS), Pejabat Perdana Menteri. PU fokus kepada program perubatan dan kesihatan bersekutu di peringkat ijazah pertama dan pasca siswazah.

Teks: Tan Ewe Hoe/Foto: Mohd Fairus Md. Isa

G+

Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015